

Nakon izjašnjenja o svojim pravima, u svoju odbranu osumnjičeni izjavljuju:

IZJAVA OSUMNJIČENOG

Apsolutno negiram da sam počinio bilo koju radnju koja mi je saopštena i šta mi se stavlja na teret.

Ja sam u Sanskom Mostu na čelu Izbornih štabova u velikom broju izbornih ciklusa. U prosjeku SDA Sanskog Mosta osvaja identičan rezultat na lokalnim, razlika u nekih 200 do 300 glasova, od izbora do izbora. A kada je riječ o opštim izborima, i tada je identičan rezultat, ali je on u prosjeku slabiji za 1000 glasova od lokalnih izbora. Što znači da naše biračko tijelo nije zadovoljno obnašanjem vlasti na višim nivoima, ali je i te kako zadovoljno učinkom lokalne vlasti.

Ja nikada nisam bio član Izborne komisije, radnih tijela Izborne komisije, bilo kojeg biračkog odbora ili bilo čega što ima ikakve veze sa procesom izbora. Ja sam uvijek u kampanji bio zadužen za medijsku promociju, marketing, pripremu kandidata za medijske istupe, uglavnom za sve ono što se u izbornoj kampanji zove komunikacija sa javnošću.

Ja nikada ni na kojim izborima nisam pozvao bilo kojeg člana izborne komisije, da li telefonom, ili na bilo koji način da ga konsultiram, ja ih čak i ne poznajem.

Kada bi me to pitali, ja ih ne bi znao nabrojati.

Veoma je to jednostavno provjeriti, s obzirom da dugo koristim telefonski broj i istog operatera, zbog čega predlažem Tužilaštvu BiH da zatraže ispis mojih telefonskih poziva i komunikacije u vrijeme Izbora 2018. godine, koje mi se stavlja na teret. Taj telefon mi je oduzet, a u tom telefonu nisam ništa brisao, ni na laptopu, apsolutno ništa nisam dirao, pa se ove činjenice sve mogu provjeriti.

Ja zapravo želim ovdje kazati, da ja nikada nikoga nisam nagovarao bilo što što bi bilo kršenje odredbi Izbornog zakona ili bilo kakvih drugih moralnih normi i zbog toga sa jednom indignacijom odbijam sve navode koji mi se stavljaju na teret.

S obzirom da sam veliki broj ovih ljudi prepoznao koji se pojavljuju kao svjedoci, ja bi zamolio uvaženog gospodina tužioca da mi stavi na uvid svjedočenja Kelime Arapović, Ernada Seferovića, Enesa Brandića, Muhameda Zekotića, Arnela Terzića i Amira Zukića. Budem li smatrao neophodnim da još neka svjedočenja zatražim na uvid, zadržavam pravo i molim tužioca da mi to omogući nakon što izvršim uvid u ove izjave.

TUŽILAC: Osumnjičeni je poučen na osnovu člana 47. ZKP-a BiH, s obzirom na fazu istrage i prava osumnjičenog da razgleda spise i dokaze, te će se u tom pogledu po prijedlogu osumnjičenog Tužilaštvo BiH čim prije izjasniti.